



26. maj 2015

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppara:

Naalakkersuisunut apeqqutit pillugit meeravissiarthaartarneq aamma suaassuteqatimi-noortartut anaanaaqataasarnerat.

1. Naalakkersuisut sumut killippat meeravissiarthaartarnermut atatillugu suaassuteqatimi-noortartut allatulli aappariittut pisinnaatitaaffeqalernissaannut suliaq eqqarsaatigalugu?

2. Arnaqatiminoortartut allatulli arnatut ikkussivigineqarsinnaalerpat Kalaallit Nunaanni katittarneq pillugu inatsisip nutarterneratigut?

I. Taamaangippat taava Naalakkersuisut pilersaarutiginerlugu danskit naalagaaffi-annut saaffiginnissallutik inatsisip nutartertinnissaa siunertaralugu?

3. Arnaqatiminoortartuni katissimasuni aappaasoq naartunngitsoq angajoqqaatut oqar-tussaaqataanissaa qularnaarneqarnikuua Kalaallit Nunaanni katittarneq pillugu inatsisip nutarternerata kingorna, inatsit taanna naapertorlugu suaassuteqatiminoortartut oqaluf-fimmi katissinnaangornikummata?

I. Taamaangippat taava Naalakkersuisut pilersaarutiginerlugu danskit naalagaaffi-annut saaffiginnissallutik inatsisip nutartertinnissaa siunertaralugu?

(Inatsisartunut ilaasortaq Justus Hansen, Demokraatit)

Tunngavilersuut

Ulloq 26. maj 2015-mi Inatsisartut qularnangitsumik tamanit tapersorsorneqartumik ilaqutariin-nermut katittarnermullu inatsisip nutarterneqarnissaat akuerissavaat. Tamatuma kinguneranik suaassuteqatiminoortartut oqaluffimmi katissinnaangussapput. Inatsisinili ajoraluartumik sua-assuteqatiminoortartut aappariit meeravissiarthaarsinnaanerata pillugu malittarisassat nutarter-neqarsimarpasinngillat, kissaatigisaraluatsit.



Arnaqatiminoortartut amerlasuut misigisimavaat allatulli aappariittut suiassuseqatigiinngitsut naartulernissaminnut ikkussivigineqarsinnaanatik, taamaattumik apeqquaqarnikkut paasersuppara, arnaqatiminoortartut periarfissaqalissanersut Kalaallit Nunaanni ilaqutariinnermut katittarnermullu inatsit nutarterneqarpat.

Aamma arnaqatiminoortartut eqqarsaatigalugit aappaasutut nalunaarsorneqarsimasup naartunnigsup aapparisami ikkussivigitilluni qitornartaarsimasup qitornaanik meeravissartaarsinnaanera killeqarsimavoq. Tamanna soorunami ajornartorsiutaavoq, meeqqat kissaatigisaammata inunngortinneqarsimallutillu arnaqatiminoortartut namminneq isumaqatigiissuteqarnerisigut.

Taamaattumik paaserusuppara taakku angajoqqaat ataatsimoorlutik qitornaminnut angajoqqaatut oqartussaanerat qularnaarneqarsimanersaq Kalaallit Nunaanni ilaqutariinnermut katittarnermullu inatsit nutarterneqarneratigut. Danmarkimi anaanaaqataasut pisinnaatitaaffiit qularnaarneqarput inatsimmi nr. 652-mi 12. juuni 2015-meersukkut. Inatsit taanna Kalaallit Nunaanni atortussanngortinneqarsinnaavoq kunngip akuersissuteqarneratigut, taamaattumik kissaatigaara paasissallugu suliaq tamanna aallartinneqarsimasoq taamaappallu suliaq sumut killissimanersaq.